



АКАФИСТ

Покрову
Пресвятой Богородицы



Тропарь, глас 4

Днесь благовѣрнии людіе/ свѣтло
празднуем,/ осеняѣми Твоѣм, Бого-
мáти, пришѣствиием,/ и к Твоемú
взирающе пречѣстому образу, умѣльно
глагóлем:/ покрый нас честнѣм Твоѣм
Покрóвом/ и избáви нас от всякаго
зла,/ молящи Сына Твоегó, Христа Бóга
нашего,/ спасти дúши наша.

Кондак, глас 3

Дѣва днесь предстоит в цѣркви/ и с
лѣки святѣх невидимо за ны мóлится
Бóгу,/ А́нгели со архиереи покла-
няются,/ апóстоли же со прорóки
ликовствúют:/ нас бо рáди мóлит Бого-
рóдица Превѣчнаго Бóга.



Акафист Покрову Пресвятой Богородицы

Кондак 1

Избранней Предвечным Царём,
превѣшшей всякаго созданія небесѣ
и земли Царице, пришѣдшей иногда
во Влахѣрнскую цѣрковь на молѣтву,
достойное поклонѣние с благодарѣ-
нием приносяще, яко во тьме сущи,
под Твой свѣтящійся омофѣор с вѣрою
и умилѣнием прибегаѣм. Ты же, яко
имущи державу непобѣдимую, от
всяких нас бед свободдай, да зовѣм Ти:

Радуйся, Радосте наша, покрый нас от
всякаго зла честным Твоим омофѣором.



Икос 1

Архангел и Ангел множество, со Предтечею, Богословом и всех святых ликом, сопредсташа Тебе, Царице своей, в церкви Влахернстей и, умиленная моления Твоя о всем мире слышавше, со удивлением возопиша такова:

Радуйся, Бога Отца безначальнаго предвечное благоволение; радуйся, Бога Сына безлетнаго пречистое вместилище.

Радуйся, Бога Духа Всесвятаго избранное жилище; радуйся, Горних чинов ангельских непрестающее удивление.

Радуйся, темных сил адских всегрозное устрашение; радуйся, Юже на воздухе сретают многоочитии Херувими.

Радуйся, Ейже похвальная восписуют шестокрилатии Серафими;



**ра́дуйся, Ея́же преблаго́му покрóву
и мы, земнорóднии, благодарне
покланя́емся.**

**Ра́дуйся, Ра́досте на́ша, покрый нас от
всяка́го зла честны́м Твои́м омофо́ром.**

Кондак 2

**Ви́девше Тя святы́й Андрéй со
Епифáнием в це́ркви на возду́се за
христиа́ны Бо́гу моля́щуюся, позна́ша,
я́ко Ма́терь еси́ возне́сшагося на Не́бо
Христа́ Бо́га на́шего, и, припа́дше на
зе́млю, ра́достно покланя́хуся всебла-
го́му покрóву Твоему́, зову́ще: Алли-
лу́иа.**

Икос 2

**Ра́зум неуразумéнен еси́, Богоро́-
дице Де́во, в защи́ении люде́й право-
сла́вных, сегó ра́ди врази́ на́ши не
позна́ют, коль сильна́ есть моли́тва**



Бо́жия Матере. Мы же, о Твоём всемо́щнем заступле́нии до́бре ве́дуще, си́це к Тебе́ со умиле́нием зове́м:

Ра́дуйся, премилосе́рдная Уте́шительнице всех скорбя́щих и обремене́нных; ра́дуйся, неусыпа́ющая Наста́внице всех заблуждших и ослепле́нных.

Ра́дуйся, пра́ведно дви́жимый гнев Бо́жий на нас Твои́м моле́нием ско́ро утоля́ющая; ра́дуйся, злы́я стра́сти на́ша всемо́щным манове́нием укро́щающая.

Ра́дуйся, крэ́пкое возбу́ждение спя́щих со́вестей; ра́дуйся, нетру́дное преодоле́ние беззако́нных на́выков.

Ра́дуйся, Ея́же ра́ди ад стенёт и ду́си зло́бы трепе́щут; ра́дуйся, Ея́же ра́ди врата́ рая́ всем нам отверза́ются.

Ра́дуйся, Ра́досте на́ша, покрый нас от вся́каго зла́ честны́м Твои́м омофо́ром.



Кондак 3

Сїла Вѣшнѣяго осеняетъ с вѣрою и благоговѣніемъ прибегающихъ къ Твоему всечестному покрову: единой бо точно Тебѣ, Пресвятѣй и Пречистей Матери Божіей, дадѣся, да всякое прошеніе Твое исполнится. Темъ убо всякъ возрастъ вѣрныхъ славословитъ Тя и Сына Твоего, зовуще: Аллилуїа.

Икос 3

Имущеи богатство милосердія неоскудное, всемъ концѣмъ земли простираеши руку помощи, Владычице: болящимъ исцеленіе, страждущимъ ослабу, слѣпымъ прозрѣніе и всемъ вся по коегождо потребности подаеши, благодарне вопиющимъ:

Радуйся, Православія несокрушимая крепосте и оградѣ; радуйся, святыхъ храмовъ и олтарей первѣйшее



украшение.

**Ра́дуйся, благоче́стия верне́йшее
огражде́ние; ра́дуйся, благосе́рдых
градопра́вителей неусыпа́ющая
Споспе́шнице.**

**Ра́дуйся, непобеди́мая Воево́до
вожде́й и во́инств христиа́нских;
ра́дуйся, свято́е зерца́ло пра́вды
судия́м немздопри́имным.**

**Ра́дуйся, соверше́нный ра́зуме
наста́вников и детоводи́телей;
ра́дуйся, благослове́ние домо́в
и семе́йств благоче́стивых.**

**Ра́дуйся, Ра́досте на́ша, покрый нас от
всяка́го зла честны́м Твои́м омофо́ром.**

Кондак 4

**Бу́рею мно́гих бед одержи́мым нам
помога́еши, Влады́чице: стои́ши бо пред
лице́м олтаря́ Госпо́дня, воздвигши
ру́це Твои́, и мо́лишися, я́ко да на́шу**



недостойную молитву призрит Господь, Царь Славы, и послушает прошения призывающих имя Твое святое, к Сыну же Твоему зовущих: Аллилуиа.

Икос 4

Услыша Господь Бог Иисуса Навина, молящаяся и повелевающая солнцу стати, дондеже отмстит врагом. Слышит и Твоя ныне моления Господь Иисус, избранная Палата Духа Святаго. Темже и мы, грешнии, на Твой надеющая покров, Тебе, яко Божией Матери, глаголати дерзаем:

Радуйся, от Солнца мысленного озаренная и нас светом незаходимым просвещающая; радуйся, сиянием пречистых душ Твоея всю землю просветившая.

Радуйся, чистотою телесе Твоего вся Небеса возвеселившая; радуйся,



**святых обителей Христо́вых покрóв
и снабдѣние.**

**Рáдуйся, вѣрных пáстырей Цѣркве
бóдрость и вразумлѣние; рáдуйся,
богобоя́зненных ѱноков и ѱнокинь
Настáвнице.**

**Рáдуйся, невозму́щаемое успокоѣние
благоговѣ́йных стáрцев; рáдуйся,
тáйное весѣлие ч́истых дев и вдови́ц.**

**Рáдуйся, Рáдосте нáша, покрый нас от
всяка́го зла честн́ым Тво́им омофóром.**

Кондак 5

**Богов́идец Моисѣй во ополчѣнии
иногда́ на Амал́ика, егда́ рúце возд-
визáше, Изра́иль одолева́ше, егда́
же рúце низпуска́ше, тогда́ Амал́ик
побежда́ше, поддержа́щими же егó
укреплѣн, победи́ врага́. Ты же, о Бого-
мáти, воздѣвши рúце Тво́й на умолѣние,
áще и ниќимже поддержа́йма, всегда́**



**побежда́еши враги́ христи́анскія и на-
м-
щит еси́ непобеди́м, вопи́ющим: Алли-
лу́иа.**

Икос 5

**Ви́девшѣ Тя святы́х собо́ри на возду́се
в це́ркви Влахе́рнстей моле́бнии рúце
к Сы́ну и Бо́гу протира́ющую, ра́достно
со архáнгелы и áнгелы благода́рную Ти
песнь воспéша. Мы же, крепча́йшима,
пáче Моисе́овых рук, длáньма Тво́йма
укрепля́еми, умíльно вопи́ем:**

**Ра́дуйся, Ея́же рúце поддержа́т
за всех нас еди́ная Ея́к нам любы́
и милосе́рдие; ра́дуйся, пред Не́юже
вразы́ на́ши, ви́димии и неvíдимии,
стоя́ти не мо́гут.**

**Ра́дуйся, те́мное по́лчище стра-
те́й и похотéй на́ших прогоня́ющая;
ра́дуйся, Огнь Божéственный —
Христá неопáльно на руку́ Сво́ею
держа́щая и нас, хла́дных, тем**



воспламеняющая.

**Рáдуйся, воинствующих на плоть
целомúдрием изрядное венчáние;
рáдуйся, подвизáющихся в постé
и безмóлвии прísное собесéдование.**

**Рáдуйся, изнемогающих от унб́ния
и печáли скóрая Утéшительнице;
рáдуйся, благодáтию смирénия
и терпénия снабдева́ющая.**

**Рáдуйся, Рáдосте нáша, покрый нас от
всякаго зла честн́м Твоим омофóром.**

Кондак 6

**Проповéдник неоскудева́емья
благодáти и м́лостей Твоих яв́ися
святы́й Ромáн Сладкопéвец, егда́ от
Тебé во сне прия́т св́ток кни́жный
на снадéние: тем úбо умудрén, начá
разúмно пéти во слáву Твою́, святы́м
же писáти похва́льная, взывáя с véрою:
Аллилу́иа.**



Икос 6

Возсияла еси от истиннаго Сólнца правды Заря, Дéво Богоотроковице, просвещáющая всех премúдростию Бóга Сына Твоегó и в познáние истины приводящая зовúщих Ти таковáя:

Рáдуйся, Бóжию Сíлу и Бóжию Премúдрость — Христá плóтию породívшая; рáдуйся, юрóдивую мúдрость вéка сегó посрамívшая и ослеплénных ёю на путь прáвый наставляющая.

Рáдуйся, святýя вéры охранéние и правослáвных догмáтов Настáвнице; рáдуйся, нечестívых ересей и тлетвóрных раскóлов Искоренítельнице.

Рáдуйся, тáйная и неудóбь предвídенная вся дóбре вéдущая и íмже подобáет сказúющая; рáдуйся,



лжѣвыхъ провѣдцевъ и сѣетная
гаданія посрамляющая.

Радуйся, в час недоумѣний мѣсль
блѣгу на сѣрдце полагающая;
радуйся, от пагубныхъ начинаній
и несмысленныхъ пожеланій воспя-
щающая.

Радуйся, Радосте наша, покрѣй нас от
всякаго зла честнымъ Твоимъ омофоромъ.

Кондак 7

Хотяи долготерпеливый Всевидецъ
Господь явити Своего человеколюбия
неизследимую щедротъ бѣздну, избра
Тебѣ едину в Матерь Себѣ и сотвори Тя
людемъ непреодоленное защищеніе:
да аще кто от нихъ и праведнымъ судомъ
Божіимъ осужденія достоинъ явится,
Твоимъ обаче державнымъ покровомъ
сохраняется на покаяніе, зовѣй: Алли-
луѣа.



Икос 7

Дѣвнѣя показѣлъ есѣ дѣла Твоя́ в
Пречѣстѣй Мѣтери Твоѣй, Гѣсподи, егда́
пречѣднѣй омофѣр в рѣцѣ Ея́ свѣтя́
щѣйся пѣче луч со́лнечных явѣся, ѣмже
покрѣваше лю́ди, сѣщѣя в цѣркѣви
Влахѣрнстей. О тако́м ѣбо зна́мени
милосѣрдаго Ея́ заступлѣния услѣ
шавше, ѣжасом и радѣстѣю одѣржѣми,
всѣ глаго́лаху:

Ра́дѣйся, нерѣкотворѣнный омофѣр,
ѣки ѣблакъ, над всем мѣром распро
стѣршая; радѣйся, Превѣчнаго Архи
ерѣя, Сѣна Своѣго́, зна́мение на рѣцѣ
Своѣй держѣщая.

Ра́дѣйся, нѣвую мѣлость и нѣвую
благодѣть сим в Цѣркѣви Право
славнѣй явля́ющая; радѣйся, стѣлпе
ѣблѣчный от искушѣний и собла́знов
мѣра всех нас покрѣва́ющий.

Ра́дѣйся, стѣлпе ѣгненнѣй, средѣ



мглы́ грехá всем нам путь спасéния показýющий; рáдуйся, я́вных благочéстия подви́жников я́вное укреплéние.

Рáдуйся, та́йных среди́ мíра рабóв Бóжих та́йное вразумлéние; рáдуйся, и менé, обнажéннаго дóбрых дел, не оставя́ющая Сво́им покрóвом и благодáтию.

Рáдуйся, Рáдосте нáша, покрýй нас от всяка́го зла честн́ым Тво́им омофóром.

Кондак 8

Дíвно Тя от Небéс во Влахéрнстей цёркви я́вльшуюся А́нгели воспéша, апóстоли прослáвиша, лик святítелей и преподóбных и жен святýх сослóвие восхвалíша, Предтéча с Богослóвом поклонíшася, лю́дие же, сýщии в цёркви, с весéлием вопия́ху: Аллилу́иа.



Икос 8

**Все́ми вѣ́шними и нѣ́жными влады́-
чествуя Господь, узрѣв Тя в цѣ́ркви
Ма́терь Свою́ стоя́щу и со умилѣ́-
нием к Немѹ моля́щуся, рече́: «Проси́,
Ма́ти Моя́, зане́ не отвращу́ся Тебе́, но
испо́лню вся проше́ния Твоя́ и благо-
да́рственная си́це Тебе́ всех пе́ти научу́:**

**Ра́дуйся, Ковче́же Завета́, в не́мже
хранѣ́тся освяще́ние все́го ро́да
челове́ческаго; ра́дуйся, Ста́мно
Пресвята́я, в не́йже а́лчущим пра́вды
блюде́тся Хлеб Жи́зни вѣ́чныя.**

**Ра́дуйся, Сосу́де всезлатѣ́й, в не́мже
угото́вася нас ра́ди плоть и кро́вь
Божѣ́ственного А́гнца; ра́дуйся,
оста́вленных врача́ми на Своѣ́
всемощны́я рѹ́це приѣмлю́щая.**

**Ра́дуйся, разсла́бленных те́лом, но
не ду́хом и ве́рою, со одра́ болѣ́зни**



воздвизающая; радуйся, погубляющим от недуга ум новый и лучший смысл подающая.

Радуйся, на стропотнем пути грехов и страстей нас премудре запинаящая; радуйся, жестокость нераскаянного сердца нашего умиляющая.

Радуйся, Радосте наша, покрый нас от всякого зла честным Твоим омофором.

Кондак 9

Все естество ангельское похвальная приносит Тебе, истинней Божией Матери и Заступнице всех притекающих к Тебе, ведуще, яко несокрушимым покровом Твоим праведных возвеселяеши, грешных заступаеши, бедствующих избавляеши и молишия о всех верных, зовущих: Аллилуиа.



Икос 9

Ветія многовещанныя, яко рѣбы безгласныя, недоумѣют, како восхваляти по достоянію великій всечестнаго Покрова Твоего прѣздник: вся бо о Тебѣ от них глаголемая не суть довольна к единому исчисленію щедрот Твоих. Мы же, Твоя неисчетная благодѣнія видяще, с веселием взываем:

Радуйся, от язвы и всегубительства смертнаго нас соблюдающая; радуйся, от внезапнаго колебания земли грады и вѣси сохраняющая.

Радуйся, от разливанія вод и потопленія рукою крепкою возводящая; радуйся, от запаленія огненнаго росю молитв Твоих избавляющая.

Радуйся, от глада душевнаго и телеснаго Хлѣбом Жизни снаб-



дева́ющая; ра́дуйся, уда́ры мо́лнии
и гро́ма от главо́и на́шея отводя́щая.

Ра́дуйся, от наше́ствия инопле-
ме́нник и та́йных убийц спаса́ющая;
ра́дуйся, от дома́шния бра́ни
и вражды́ единокро́вных ми́ром
и любо́вию огражда́ющая.

Ра́дуйся, Ра́досте на́ша, покрый нас от
всяка́го зла честны́м Твои́м омофо́ром.

Кондак 10

Спасти́ хотя́й род челове́ческий
от преле́сти вра́жия Человеколюбец
Госпо́дь Тебе́, Ма́терь Свою́, дарова́
земны́м нам в по́мощь, покрóв и защи́ту,
да бу́деши печа́льным утешение, скор-
бя́щим ра́дование, оби́димым Засту́п-
ница и да всех из глубины́ грехо́вныя
воздвигнеши, пою́щих: Аллилу́иа.



Икос 10

«Царю Небесный,— глаголаше в молитве на воздусе со Ангелы стоящая всенепорочная Царица,— прими всякаго человека, молящася к Тебе и призывающа имя Моё на помощь, да не отыдет от лика Моего тощ и не услышан». Сию всеблагую молитву слышавше, собори святых благодарне возопиша:

Радуйся, чистых руками и сердцем земледельцев благословенными плодами венчающая; радуйся, помощи и праведное мздовоздаяние всем право куплю деющим.

Радуйся, клятвопреступлений и неправедных стяжаний всенародное обличение; радуйся, бедствующим в пути, на суше и водах внезапное вспоможение.



**Ра́дуйся, безча́дных роди́телей
плода́ми ве́ры и ду́ха веселя́щая;
ра́дуйся, безма́терних сирот
незри́мая Воспита́тельница.**

**Ра́дуйся, крѣпкая Засту́пнице сущих
в плену́ и изгна́нии; ра́дуйся, неусы-
па́ющая Попечи́тельница во у́зах
и темни́це сидя́щих.**

**Ра́дуйся, Ра́досте на́ша, покрый нас от
всяка́го зла честны́м Твои́м омофо́ром.**

Кондак 11

**Пе́ние всеумилѣнное слы́шаще
и те́плей Твоѣй моли́тве о нас внем-
люще, про́сим Тебе́, Де́во Богоро́дице,
не прѣзри гла́са рабо́в Твои́х: к Тебе́ бо
в напáстех и ско́рбех прибега́ем и пред
Тобо́ю в беда́х на́ших слѣзы пролива́ем,
зову́ще: Аллилу́иа.**



Икос 11

Яко светоприёмную свещу, в молитве горящую, видящи Тя на воздусе Влахёрнская цёрковь, согласно со множеством людэй, в ней бывших, возгласаше: «Откуда мне сие, да прииде Мати Господа Моего ко мне?». Святый же Андрей со Епифанием тёпле моляхуся к Тебе, зовуще:

Радуйся, всех даров духовных и телесных независтная Подательнице; радуйся, полагающих начало покаяния грешников верная Предстательнице.

Радуйся, борющихся со страстьми и прилогами вражиими всегдашня Споборнице; радуйся, незримое укрощение владык жестоких и зверонравных.

Радуйся, тайный покое и отрадо рабов кратких и страждущих;



**ра́дуйся, всежелáнное соверше́ние
благі́х супру́жеств.**

**Ра́дуйся, ма́терей деторожда́щих
ско́рое и безболéзненное разре-
ше́ние; ра́дуйся, в час кончы́ны
еди́ная всем нам Помо́щнице.**

**Ра́дуйся, Ра́досте на́ша, покрый нас от
всяка́го зла честны́м Твои́м омофо́ром.**

Кондак 12

**Благода́ть Божéственную испроси́
нам у Сы́на Твоего́ и Бо́га, простри́ нам
ру́ку по́мощи, отжени́ от нас всяка́го
врага́ и супоста́та и умири́ на́шу жи́знь,
да не поги́бнем люте́ без покая́ния, но
приими́ нас в вéчныя кро́вы, Покро-
ви́тельнице на́ша, да ра́дующеся Тебе́
зовём: Аллилúа.**



Икос 12

Поюще Твой державный покров, хвалим Тя вси, яко твердую Предстательницу нашу, и покланяемся Тебе, о нас молящейся: веруем бо и надеемся, яко испросиши у Сына Твоего и Бога благая вечная и временная всем с любовью вопиющим Тебе сице:

Радуйся, всей вселенной крепкое заступление; радуйся, всех стихий земных и небесных освящение.

Радуйся, всех времён года благословение; радуйся, всех наветов и искушений, от мира, плоти и диавола находящих, поправление.

Радуйся, нечаемое примирение ожесточённо враждующих; радуйся, неведомое исправление нераскаянных грешников.

Радуйся, не отвергающая всеми



**презрѣнных и отвѣрженных;
ра́дуйся, са́мих отча́янных от ро́ва
поги́бели исхища́ющая.**

**Ра́дуйся, Ра́досте на́ша, покрѣй нас от
всяка́го зла честнѣм Твоѣм омофо́ром.**

Кондак 13

**О Всепѣтая Ма́ти, Пречѣстая
Госпоже́, Де́во Богоро́дице! К Тебе́
возвождѣ́ душѣвныя и телѣсныя о́чи,
к Тебе́ протира́ю разсла́бленныя ру́це
и из глубины́ се́рдца вопию́: прѣзри на
ве́ру и смире́ние души́ моя́, покрѣй
мя всемо́щным омофо́ром Твоѣм, да
изба́влюся от всех бед и напáстей,
и в час кончи́ны моя́, о Всеблагáя,
предста́ни мне и угото́ваннаго ра́ди
грехо́в моѣх изба́ви мучѣния, да вѣну
покланя́ясь зовѣ́: Аллилу́иа.**

Этот кондак читается трижды.



Икос 1

Архангел и ангел множество, со Предтечею, Богословом и всех святых ликом, сопредсташа Тебе, Царице своей, в церкви Влахернстей и, умиленная моления Твоя о всем мире слышавше, со удивлением возопиша таковая:

Радуйся, Бога Отца безначального предвечное благоволение; радуйся, Бога Сына безлётнаго пречистое вместилище.

Радуйся, Бога Духа Всесвятаго избранное жилище; радуйся, Горних чинов ангельских непрестающее удивление.

Радуйся, тёмных сил адских всегрозное устрашение; радуйся, Юже на воздухе сретают многоочитии Херувими.

Радуйся, Ейже похвальная воспи-



сúют шестокрилатии Серафíми;
ра́дуйся, Ея́же преблагóму покрóву
и мы, земнорóднии, благодарне
покланя́емся.

Ра́дуйся, Ра́досте на́ша, покрый нас от
вся́каго зла честн́ым Тво́им омофо́ром.

Кондак 1

Избра́нней Предв́ечным Царём,
прев́ышшей вся́каго создáния небесé
и земли Царíце, пришéдшей иногда́
во Влахе́рнскую це́рковь на моли́тву,
достóйное поклонéние с благодарé-
нием принося́ще, я́ко во тьме сúщии,
под Твой свята́щийся омофо́р с вéрою
и умилéнием прибега́ем. Ты же, я́ко
имúщи держа́ву непобедíмую, от
вся́ких нас бед свобожда́й, да зовём Ти:

Ра́дуйся, Ра́досте на́ша, покрый нас от
вся́каго зла честн́ым Тво́им омофо́ром.



Молитва

О Пресвятая Дѣво, Мати Господа
Вышних сил, небесѣ и земли Царѣце,
града и страны нашей всемошная
Заступнице! Приими хвалѣбно-бла-
годарственное пѣние сие от нас,
недостойных раб Твоих, и вознеси
молитвы наша ко Престолу Бога
Сына Твоего, да милостив будет
неправдам нашим, и пробавит благо-
дать Свою чтущим всечестное имя
Твое и с верою и любовью покланяю-
щимся чудотворному образу Твоему.
Несмы бо достойни от Него помило-
вани быти, аще не Ты умилостивиши
Его о нас, Владычице, яко вся Тебе от
Него возможна суть. Сего ради к Тебе
прибегаем, яко к несомненной и скорей
Заступнице нашей: услыши нас, моля-
щихся Тебе, осени нас вседержавным
покровом Твоим, и испроси у Бога



Сына Твоего: пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание, всем же нам дух разума и благочестия, дух милосердия и кротости, дух чистоты и правды. Ей, Господе Пресвятая, умилосердися на немощныя люди Твоя; разсеянныя собери, заблудшия на путь правый настави, старость поддержи, юныя уцеломудри, младенцы воспитай; и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наша ко зрению спасения, милостива нам буди зде и тамо, в стране земнаго пришель-



ствия и на Страшном Суде Сына Твоего; преставльшиися же в вере и покаянии от жития сего отцы и братию нашу в вечней жизни со Ангелы и со всеми святыми жити сотвори. Ты бо еси, Господи, Слава небесных и Упование земных, Ты по Бозе наша Надежда и Заступница всех притекающих к Тебе с верою. К Тебе убо молимся, и Тебе, яко Всемогущей Помощнице, сами себе и друг друга и весь живот наш предаем, ныне и присно, и во веки веков. Аминь.

Величание

Величаем Тя, / Пресвятая Дево, / и чтим Покров Твой честный, / Тя бо виде святой Андрей на воздухе, // за ны Христу молящуюся.



Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	за единоумершего
	3:00, 9:00, 15:00, 21:00	Б. М. «Казанская»
ВС	2:00, 8:00, 14:00, 20:00	Покрову Божией Матери ←
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё